

SCRIPTA

Numéro Scripta : 4303

Auteur(s) : Guillaume Jean [particulier]

Bénéficiaire(s) : La Lucerne-d'Outremer, Sainte-Trinité de La Lucerne (abbaye)

Genre d'acte : charte

Authenticité : non suspect

Datation : 1247, septembre

Action juridique : échange

Langue du texte : latin

Analyse

Guillaume Jean vend à l'abbé et aux chanoines de La Lucerne un pré, avec un bois qui l'entourant, sis à Saint-Pierre-de-Coutances.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Luzerne, n° LXXXV, p. 72-73.

Texte établi d'après a

Sciant omnes presentes et futuri quod ego Willermus Johannis vendidi et finaliter dimisi viris religiosiis abbati et conventui de Lucerna quoddam pratum, cum nemore illud claudente, situm in parrochia Sancti Petri de Constanciis, contiguum mesnagio meo, ab una parte, ut per metas dividentes dictum pratum a dicto mesnagio monstratur, et circumquaque alibi ambitum ab aqua que Sola dicitur, continens unam virgatam et septem perticas terre, vel eo circiter, quod pratum de dictis religiosiis feodaliter tenebam, habendum et possidendum sibi ac successoribus suis in perpetuum libere, pacifice et quiete, sine aliqua contradictione de cetero mei vel heredum meorum. Et pro hac vendicione et dimissione dictis religiosiis a me facta iidem religiosi dederunt michi decem libras Turonensium super quibus michi est ab ipsis plenarie satisfactum. Et ego et heredes mei tenemur dictis religiosiis ac successoribus suis dictum pratum cum dicto nemore garantizare et defendere contra omnes, vel alias in propria hereditate nostra ad competentem excambiare valorem, necnon eciam ipsis religiosiis et quibuscumque aliis idem pratum tenentibus de eisdem eundi ad dictum pratum et redeundi per terram nostram, quandocumque voluerint, pedestre, equestre et cum quadriga, per viam quam ad hoc deputare tenemur, jus atque liberam dedimus potestatem. Et ego dictus Willemus juravi, tactis sacrosanctis Ewangeliis, me omnia hec predicta inviolabiliter servaturum et me contra ea per me vel per alios aliquatenus de cetero non venturam. Que ut firma et indiscussa perpetuis temporibus perseverent, dictis religiosiis dedi presentem cartam sigilli mei munimine roboratam. Actum est hoc anno Domini M CC XL septimo, mense septembris.